

**Риёзус солиҳийн шарҳи / Ҳаё ва унинг фазилати ҳамда у билан хулқланишга одатланмоққа тарғиб қилиш ҳақида / 1129-ҳадис**

1129 - عَنْ ابْنِ عُمَرَ رَضِيَ اللَّهُ عَنْهُمَا، قَالَ: صَلَّيْتُ مَعَ رَسُولِ اللَّهِ صَلَّى اللَّهُ عَلَيْهِ وَسَلَّمَ وَكُعْتَيْنِ قَبْلَ الظُّهْرِ، وَكُعْتَيْنِ بَعْدَهَا. مُتَّفَقٌ عَلَيْهِ [خ 1165، م 729 وسبق برقم 1114].

1129. Ибн Умар розияллоху анҳумодан ривоят қилинади:

«Расулуллоҳ соллаллоху алайҳи васаллам билан бирга пешин(нинг фарзи)дан олдин ва кейин икки ракат намоз ўқидим», дедилар”.

Муттафақун алайҳ.

Шарҳ: Бу ҳадиснинг шарҳи 1114-рақамли ҳадис остида келтирилган.

Бошқа ривоятда қуйидагича келган:

Ибн Умар розияллоху анҳумодан ривоят қилинади:

«Расулуллоҳ соллаллоху алайҳи васаллам билан пешиндан олдин икки рақъат, ундан кейин икки рақъат, шомдан кейин икки рақъат, хуфтондан кейин икки рақъат, жумадан кейин икки рақъат намоз ўқидим. Шом, хуфтон ва жумага келсак, (уларнинг суннатларини) Набий соллаллоху алайҳи васаллам билан бирга уйларида ўқидим». (Имом Муслим ривояти).

Ҳанафий мазҳаби уламолари мазкур ўн икки рақъат равотиб суннат намозлар борасида имом Термизий ривоят қилган қуйидаги ҳадисга таянганлар: «Умму Ҳабиба розияллоху анҳодан ривоят қилинади: «Расулуллоҳ соллаллоху алайҳи васаллам шундай дедилар: «Ким бир кеча-кундузда ўн икки рақъат намоз ўқиса, жаннатда унга бир уй қурилади: пешиндан олдин тўрт рақъат ва ундан кейин икки рақъат, шомдан кейин икки рақъат, хуфтондан кейин икки рақъат ва бомдоддан олдин икки рақъат».

Манба: [hadis.islom.uz](http://hadis.islom.uz)

